

Inuusuttunut suliffissaaleqisunut suliffissaaleqisunullu allanut pisinnaatitaaffiit pisussaaffiillu suut siunissami atuutissanersut pillugit apeqquteqaat aallaavigalugu oqallinnissamik siunnersuut

(Inatsisartuni ilaasortaasut, Knud Kristiansen aamma Gerhardt Petersen)

Akissuteqaat

(Ilaqutariinnermut Inatsisinillu Atuutsitsinnermut Naalakkersuisoq)

1. Siullermeerneqarnera

Inuusuttunut suliffissaaleqisunut pisinnaatitaaffiit pisussaaffiillu pillugit Knud Kristiansenip Gerhardt Petersenillu oqallisissianngorlugu saqqummiusnaanut pingaarutilimmut qujavunga.

Inuusuttut meeqqat atuarfiani naammassisimasut amerlavallaat ilinniaqqinnermi suliffimmi-luunniit ingerlariaqqinnatik uniinnartartut amerlavallaarnerat Naalakkersuisut eqqumaffigaat. Taakku inuiaqatigiinnut inuusuttunullu taakkununga namminermut unaminartorujussuup-put, inuunerminni kingusinnerusukkut aalajangersimasumik suliffissaqarnissartik aammalu ineriartornermi peqataanissartik aammalu inuiaqatigiit atugarissaartut akissaqartissallugit ajornakusoortissavaat.

Pisortanit ikiorsiissutit pillugit Inatsisartut peqqussutaanni nr. 15-imi, 20. november 2006-imeersumi inuusuttut (18 sinnerlugit ukiullit) innuttaasunit utoqqaanerusunit aalajangersak-katigut immikkoortinneqanngillat. §11 naapertorlugu pisortanit ikiorsiissutisartut imminnut tunngasumik iliuusissatut pilersaarusiunneqarsinnaatitaapput, ingerlaavartumik nalilersorne-qartartussamik iluarsivigineqartartussamillu. Iliuusissatut pilersaarummi inuttut ineriartornis-samik, atornerluinermik katsorsarneqarnermik, piginnaanngorsarnermik, iliniartitaanermik su-lilersitaanermillu il.il. neqeroorutit ilanngunneqarsinnaapput. Kisianni innuttaasumut inum-mut namminermut iliuusissatut pilersaarusiornissaq kommunalbestyrelsip pisussaaffiginngi-laa. Tamanna peqqussutit nutarterneranut atatillugu nalilersoqqinneqassaaq oqaluserisasan-ngortinneqarlunilu.

Pisortanit ikiorsiissutit tunniunneqartarnerat pillugu, iliuusissatut pilersaarutit, sulisinnaassu-seq il.il. pillugit Namminersornerullutik Oqartussat nalunaarutaanni nr. 4-mi, 15. marts 2007-imeersumi § 2 naapertorlugu Kommunalbestyrelsimit pisortanit ikiorsiissutinik qinnuteqartut pisartagaqartulluunniit ilisimatinneqassapput kommunalbestyrelsi peqatigalugu inuttut nam-minerminnut iliuusissatut pilersaarusiordfigineqarsinnaatitaasut.

Pisortanit ikiorsiissutit pillugit Inatsisartut peqqussutaasa aqqissuteqqinnissaa Naalakker-suisut piareersarpaat, tassani inuusuttut suliffeqanngitsut, pisortanit ikiorsiissutinik qinnute-qartut, immikkut suliniuteqarfigineqartassallutik.

Apeqquteqaammik oqallisaarinnermik aallarniisut inuusuttut taama amerlatigisut suliffissaale-qinerinut pissutaasoq apeqqutigaa, uagullu ilaqutaasutut inuiaqatigiittutullu inuusuttut pi-ginnaaneriniq kajumissusiinillu nukittorsaaniarluta sunik iliuuseqarsinnaanersugut. Inuusuttut meeqqat atuarfiannit ingerlariaqqittannginnerinut pissutaasut ataqatigiissut arlaqartut qular-nanngilaq. Ilitsersuinerit amigaataaneri oqaatsinillu naammattumik piginnaasaqannginnerit Naalakkersuisut iliniartitaanermut pilersaarutaanni II-mi aggersumi unammilligassani qitiusutut ilaatigut naqissuserneqassapput. Peroriartornermi sumiginnagaasimanerit

qinngasaarneqartarnerillu, meeqqap ilinniarnissamut angusinnaanissaanut akornutaasartut naluneqanngillat, taamaattumillu tamakku pinaveersaartinneqartariaqarnerat eqqumaffigineqartariaqarlutik.

Ajornartorsiutit ataqatigiikkulasuupput innuttaasut ilinniarnermik naammassinninnissaanni aamma/ imaluunniit aalajangersimasumik suliffeqalernissami aporfiusartut. Taamaattumik pingaartuuvoq, isumaginninnermut, ilinniartitaanermut suliffissaqartitsinermullu tunngasut qanimit suleqatigiissutigineqartariaqarput, inuup tapersersorneqarnissaa eqqarsaatigalugu. Innuttaasut isumaginninnikkut sanngiitsumik inissisimasut, ilaqutariinnut sullissivinnit il.il. assigiinngitsutigut ikorfartuiffigineqartariaqarlutik.

Ilaqutaasut akisussaassuseqarnerinut tunngatillugu, angajoqqaajusut qitornaasut ilinniagaqarnerinik atuarnerinilu akuliusimanissaat pillugu ersarissumik oqariartuuteqarnissaa pingaartuuvoq. Inuusuttunngorneq allaat tikillugu ilaqutaasut ilinniarfigissallugit pingaarnerpaauppupput. Taamaattumik angajoqqaat qitornamik ilinniagaqarnissaanut - taamaalillutillu qitornamik siunissami periarfissaannut sunniuteqarluarsinnaanertik ilisimasariaqarpaat.

'Naalackersuisut inuusuttut 25-it inorlugit ukiullit qanoq amerlatigisut ullumikkut ilinniagaqalernissamut suliffeqalernissamulluunniit piareersimanninnerat pillugu nassuiaat'-ip 2012-imeersup, 70 pct-it 35-liitinnatik inuussutissarsiuataasinnaasumik ilinniarsimanissaat pillugu Naalackersuisut 2014-mi ilinniartitaanikkut pilersaarutaanni anguniakkap piviusunngortinnissaa eqqarsaatigalugu unamminartuusut takutippai.

Nassuiaatip malitsigisaanik iliuusissat unammilligassanik qulaajaasussat arlaqartut aallartinneqarput. Piareersarluni ingerlatassat, inuusuttunik, meeqqap aturfiani naammassereermermi inuusuttut ilinniarfiini aallartinnissamut piareersimannigitsunik, meeqqat aturfianit inuusuttut ilinniarfiannut ikaarsaariarnerup iluatsinnissaanut inuttut ilinniarsimasunillu tapersersorteqarnissaannik qulakkeerisussat ullumikkut ilaatigut qitiutinneqarput.

Naalackersuisut suliffissaqartitsiniarnermut periusissiaminni aggersumi aammattaaq kissaatigaat Piareersarfinni ilinniartut tiguneqartartut malunnaatilimmik amerlissinneqarnissaat. Piareersarfinni suliniutit nukittorsarnerini atuagarsornikkut sanngiinnerusut immikkut qitiutinneqassapput. Kisianni Suliffissaqartitsiniarnermut periusissiami Piareersarfinni inuusuttunut ingerlatat atuackersornertaqanngitsut, suliffimmik sungiusarnerit inuttullu tapersersuinerit aamma ilanngunneqarput.

Suliffissaqartitsiniarnermut tunngasuni piukkunnartut immikkoortitertalernissaannik periuseq atuutilersinneqarnikuuvoq. Piukkunnartut immikkoortiterlugit periusissiaq atorlugu suliffissarsiorlutut nalunaarsorneqarsimasut sulilernissamut qanoq piareersimatiginerat aallaavigalugu eqimattanut pingasunut agguataarneqartarput, taamalu sulilivissinnaanersut nalilersorneqartarluni. Piukkunnartut immikkoortitertarnerisa siunertaraa innuttaasunut, suliffimmik piviusumik paarinnissinnaasunut suliffissaqartitsiniarneq tunaartaqartissallugu, taavalu innuttaasut, suliffimmik paarinnissinnaanngitsut sulisinnaanngoqqinnissaminut pisariaqartitarnik tapersersorneqarnissaat qulakkiissallugu.

2010-mi isumaginninnermut tunngasuni piitsuuneq pillugu suliniummik suliaqartoqarpoq, tassani piitsuunermut uuttuutissat arlaqartut pingaarnersiorneqarlutik, tassani inuusuttut suliffissaaleqineri aamma ilinniarsimassutsit appasissuuneri ilaatigut taaneqarlutik. Pingaarnersiorlugit uuttuutigisat Akileraartarnermut Atugarissaarnermullu Isumalioqatigiissitat inuiaqatigiinni isumaginninnermi ilinniartitaanermilu unammilligassanik nassuiaataannut arlaqartunut naapertuuttuupput.

Inooqataanermi kingornussatut atukkat kipitinnissaannut kiffaanngitsumillu inersimasutut inuunermik pilersitsinissamut meeqqat periarfissinnissaat eqqarsaatigalugit pingaarnertut tungaviusoq tassaavoq pitsaasumik atuartinnissaat ilinniagaqartinnissaallu. ”

Tamassumunnga inuiaqatigiittut ilaqutaasutullu tapersersuinissarput ataatsimoorluta akisussaaffigaarput. Tamatuma kingorna soorunami pingaartuuvoq nuna tamakkerlugu suliffissanik pilersitsinissarput.

Taamatut oqaaseqarlunga inersuarmi oqallilluarnissassinnik kissaappassi.